

Uunga siunnersuut: Naligiissitaaneq assigiinngisitsinnginnissarlu pillugit Inatsisartut inatsisaata allannortinnissaa pillugu

(Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Akissuteqaat

(Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Pingajussaaneerneqarnera

Naligiissitaaneq pillugu inatsisip nutarterneqarnissaa aamma inatsisiliornermi siullerpaamik assigiinngisitsinnginnissap illersorneqarnissaata eqqunneqarnissaa, inatsisissatut siunnersuutigineqartumit anguniarneqarpoq. Taakku marluk pisariaqarluinnartuusut Naalakkersuisut isumaqarput. 2024-imi inuuvugut, aamma naleqartitanut Naalakkersuisut siuarsassallugit kissaatigisaannut inatsisip naapertuunnissaata qulakkeerneqarnissaa pisariaqarluinnarpoq. Inuit innarluutillit ullumikkut assigiinngisitsinissamik inerteqquteqarnermi ilaatinneqannginnerat inuppassuit tupaallaatigisarpat. Tamanna aamma LGBT+-inut atuuppoq. Pitsaaneruumik iliorsinnaasugut, Naalakkersuisut isumaqarput. Tassami nunatsinni innuttaasut tamakkerlutik assigiinngisitsivigineqarnissamut illersorneqarnissaasa aamma naligiissitaanerup siuarsarneqarnissaata qulakkeerneqarnissaat, Naalakkersuisunut pingaaruteqarpoq. Tamatuma peqatigisaanik nunat tamat akornanni isumaqatigiissutaasut, ilaaffigisatta, naammassineqarnissaannut inatsisiliornerit pisariaqartinneqartut naammassisariaqarpagut.

Tamanna tunngavigalugu Inatsisinut Ataatsimiititaliap inatsisissatut siunnersuummik peqqissaartumik suliarinnissimaneranik Naalakkersuisut ataatsimiititaliaq qutsavigiumavaat, aamma ataatsimiititaliami amerlanerussuteqartut Naalakkersuisut suliasaqarfimmut takorluugaannut isumaqataanerat nuannaarutigalugu.

Kalaallit oqaasiisa pingaassusaannik erseqqissisitsisussamik, inatsimmut allannguutissamik saqqummiusseqqullugit, Inatsisinut Ataatsimiititaliap Naalakkersuisut kajumissaarsimavaat.

Tamanna tunngavigalugu allannguutissatut kissaatigineqartunik imaqartumik Naalakkersuisut naqqiummik pingajussaaneerinninnermut saqqummiussipput.

Taamatut oqaaseqarlutik allamillu oqaaseqaateqaratik Naalakkersuisut siunnersuutip pingajussaaneerneqarnissaanut tunniunniuppaat, aamma tamanna iluatsillugu nuannaarutigeqalugu NGO-t sullissiviillu amerlasuut inatsisissatut siunnersuummut tapersersuullutik oqaaseqarsimasut qutsavigiumallugit.